



Broj:
Sarajevo, 28. X 2004.

MEDIJIMA

Predmet: Informacija o štednji stanovništva – pred 31. oktobar, Svjetski dan štednje

AGENCIJA ZA BANKARSTVO FBiH

Štednja - dvije milijarde KM !

Građani Federacije BiH držali su na kraju septembra 1,99 milijardi konvertibilnih maraka štednih uloga u ovdašnjim bankama. U odnosu na kraj prošle godine, kada je štednja iznosila 1,66 milijardi, povećanje je 326 miliona ili blizu 20 odsto. Ukoliko se do kraja godine zadrži trend iz prva tri kvartala moglo bi se očekivati da štednja poraste za daljih pet odsto i dostigne 2,1 milijardi KM.

Od ukupne sume 558 miliona je u domaćoj, a 1,43 milijarde u stranim valutama. Oni koji su „odgodili potrošnju“ u konvertibilnim markama odlučili su da 111 miliona oroče na period duži od jedne godine. Vlasnici deviza to su učinili, preračunato u KM, sa 576 miliona.

Posmatrano u ukupnoj masi, svaka treća konvertibilna marka štednje oročena je na period duži od jedne godine – ukupno 687 miliona KM. Time je nastavljen stabilan rast oročenih depozita u posljednje četiri godine što je posebno značajno za jačanje i stabilnost kreditnog potencijala banaka i ročno usklađivanje izvora i plasmana.

Od 2000. godine štednja u Federaciji BiH povećana je za više od četiri puta. Na isteku prošlog milenijuma iznosila je 462 miliona, 2001. godine 1.314 miliona, zatim 1.439 miliona 2002. da bi na kraju prošle godine dostigla 1.666 miliona i na kraju trećeg kvartala tekuće godine 1.992 miliona KM.

Ured FBA za informisanje

Ibrahim Polimac